



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Kurtzes Handtbüchlein/ vnd Experiment/ vieler Artzneyen/
durch den gantzen Körper des Menschens/ von dem
Haupt biß auff die Füß**

Ryff, Walther Hermann

Straßburg, Anno M.DC.XIV.

Was den Menschen Harnen machet.

urn:nbn:de:hbz:466:1-43769

Von allerhand Arzney/

senhonig/ oder mit weichen Eyern/ vnnnd das genätzt/
treibet auß den Stein der Nieren.

Melouensamen hat Krafft das er den Stein aufstret
bet in den Lenden vnd Nieren.

Was den Menschen Harnen macht.

Beysfuß genätzt mit Wein/ macht wol Harnen.

Öel von Stabwurz gemacht/ vnd sich damit ge
schmieret vnder dem Nabel/ machet wol Harnen.

Knoblauch gekocht/ mit seinem Kraut in Wein/ vnd
gedruncken/ macht wol Harnen.

Odermentig oft genätzt/ macht wol Harnen.

Eppichsamen gepülvert/ vnnnd eingenommen mit
Betrichwasser/ macht fast wol Harnen.

Von wilden Eppich gedruncken/ machet fast wol
Harnen.

Ibischwurtzel gesotten mit Wein/ vnd den gedrun
cken/ macht fast wol Harnen.

Eniß gessen/ macht fast wol Harnen.

Öel gemacht von Saiewurz/ vnd die Rippmeißel
damit geschmieret/ macht wol Harnen.

Goldwurz oft gebraucht/ macht wol Harnen/ oder
davon gedruncken.

Die Wurtzel von Rosmarin gelegt inn Wein/ mit
dem Kraut Tag vnd Nacht gesotten/ vnd gedruncken/
mit Beysfuß vermengt/ macht wol Harnen.

Boberellen gessen des Abends so man schlaffen wil
gehen/ drey oder vier vngesehrlich/ sie machen fast
wol Harnen.

Säß Mandel gessen/ macht Harnen.

Wer nicht wol Harnen mag/ der neme Steinbrech/
vnd siede die mit Wein/ vnnnd seyhe es durch ein Dlich/
vnnnd mische darzu Dannenschwanß vnd gebe es dem
Krancken zudrincken.

Bethouen gedruncken mit Wein/ es machet fast
wol Harnen.

Das Erste Buch.

liij

Von Sagendorn wurzel gedruncken / machet fast wol Harnen.

Bedellium in Wein gethan / vnd den gedruncken / machet wol Harnen.

Von Chamillen gedruncken / macht fast wol Harnen.

Von Körbelkraut gedruncken / macht fast wol Harnen.

Bornwurtz kraut oft gebraucht / machet fast wol Harnen.

Quitten oft genützt / macht wol Harnen.

Von Cubebensamen gedruncken / macht wol Harnen.

Besten gedörzt vnd gepülvert / vnd das eingenommen mit Krebsaugen pulver / vnd Eppich wasser / macht fast wol Harnen.

Das wasser von Erdbeer gedistilliert / vnd gedruncken / machet wol Harnen.

Den samen von Grassafft genützt mit Wein / machet fast wol Harnen.

Wer nicht wol Harnen mag / der drinck von Garb mit Essig / es hilfft.

Muscet gestossen vnd gemischt mit Lorbeer / vnd dis genützt mit Wein / macht fast wol Harnen.

Wicken genützt / macht wol Harnen / vnd welcher sie zu vil braucht / machen sie Blut Harnen.

Boleyen gedruncken mit Wein / ist fast gut dem der nicht Harnen mag / oder den Wein in öl gesotten / vnd auff den Leib gelegt.

Wegdritt oft genützt / machet wol Harnen / vnd säubert die Blasen.

Peterlin oft genützt / macht wol Harnen.

Merherich in der kost / laxiert / vñ macht wol Harnen.

Alebkraut gebraucht mit Wein / macht wol Harnen.

Der same von Brunnkress roh gessen / macht fast wol Harnen.

Selffenbein pulver genützt mit Wegerich safft / machet wol Harnen.

Spicas

Von allerhand Arzney/

Spicanardi gebraucht/ macht wol Harnen.
Von Baldrian wurzel gedruncken/ macht sehr wol
Harnen.

Von Johannis Kraut vnd samen gedruncken/ macht
wol Harnen.

Für Blut Harnen

Kämmel oft genüzt/ benimpt das Blut Harnen.

Für den kalten Seich.

Stabwurz mit Eppich vnd Zucker gesotten/ vnd
darvon gebraucht/ ist gut dem kalten Seich.

Wändscherling oft gebraucht/ ist gut wider den
kalten Seich.

Von Cypressblättern gedruncken mit Wein/ ist gut
wider den kalten Seich.

Gras gesotten in Wein/ vnd den gedruncken/ be-
nimpt den kalten Seich.

Sevenbaum gesotten in Wein/ vnd gedruncken/
nimpt den kalten Seich.

Brunnkress gesotten in Wein/ vnd den gedruncken/
nimpt den kalten Seich.

Feldkämmel samen oft gebrauchet/ benimpt den
kalten Seich.

Nimb Tormentillen wurzel/ vnd Wegerich Kraut/
vnd nütze das mit dem safft des Wegerichs/ abends
vnd morgens/ ist gut für den kalten Seich.

Für das dröpflicht Harnen/ oder Harnwind.

Dillen gesotten/ vnd gebraucht/ ist fast gut für das
dröpflicht Harnen.

Selb Gilgen wurzel gesotten mit Wasser/ vnd das
gedruncken/ ist gut für das dröpflicht Harnen.

Der samē von Eppich/ ist fast gut denen/ die dröpf-
licht Harnen.

Von